


A HLEIDEUH FIMCAWNNAK CU ZEIDAH A SI?

Ngakchia pakhat nih a hleideuh fimcawnnak a ngah tikah, a sullam cu zapi sianginn nih mah siangngakchia a herhmi pawl caah a herh ning in riantuanpiaknak pawl le lammuhsaknak a pek tinak a si. A hleideuh fimcawnnak cu ngah khawh a si aruang cu Pumtlinlonak a ngeimi Pumpak hna caah Fimcawnnak lei Upadi (IDEA) tiah auhmi ramkomh upadi ruang ah a si, hi nih hin pumtlinglo siangngakchia pawl le an nulepa hna kha hi pumpak cawnnak caantha sunglawi pawl ngah dingin a hleideuh in upadi lei covo a pek hna.

A hleideuh fimcawnnak cu riantuanpiaknak a si, hmunhma a si lo.



A hleideuh Fimcawnnak lei riantuanpiaknak nih na fa kha zeitindah a bawmh khawh?

- ▶ Na fa cu a hleideuh fimcawnnak lei riantuanpiaknak caah aa tlakmi a si ahcun, na fa nih phundang deuh in a herhmi pawl tlinh dingah a hlei in suaisamhmi riantuanpiaknak pawl le bawmhna pawl kha na fa nih a ngah khawh lai.
- ▶ A hleideuh fimcawnnak lei riantuanpiaknak pawl nih man LO in pumpak in riantuanpiakmi program an pek lai i nifatin cawlcanghna lei thloptu, takpum lei thloptu, biachim-holh lei zawtnak thloptu le cafang/biafang lei lammuhsaknak petu pawl tibantuk a hleideuh fimcawnnak lei cachimtu pawl le riantuanpiaknak lei petu pawl an pek men lai.

A HLEIDEUH FIMCAWNNAK LEI TUAHTONAK:

Nulepa hna nih a hleideuh fimcawnnak zohfelna kha zeitik caan paoh ah halnak nawl an ngei. Pumtlinlonak kha a hleideuh fimcawnnak lei riantuanpiaknak a herh men lai tiah lunghrinh a si tikah sianginn pawl cu zohfelna caah siangngakchia pakhat kuatchin dingin fial an si men lai. **A hleideuh fimcawnnak lei tuahtonak** tuahtingmi pawl i fian kha a biapi.

A hleideuh Fimcawnnak Thawk awk ah Tuah dingmi pawl:

- 1** Kuatchinnak
- 2** Zohfel dingah Hnatlaknak
- 3** Zohfelna
- 4** Aa tlakmi sinak lei Biakhiahnak (ARD)
- 5** IEP Thanchoter

A hleideuh Fimcawnnak lei Riantuanpiaknak Ngahnak:

➔


IEP A tak in hmang

Nulepa pashas dirhmun in na covo pawl kong tamdeuh cu a tang ah hmuh khawh a si:



SPEDTEX
Special Education Information Center
Nulepa hna caah A hleideuh Fimcawnnak A tlang piin zohnak

spedtex.org
1-855-773-3839



ARD Tuahntonak caah Nulepa hna Lamhrualnak
bit.ly/ParentsARD



Phunglam Kilvennak kong Theihternak
bit.ly/ParentsNPS

Pumtlinglo siangngakchia pawl caah huhphenhna zeimawzat a petu ramkomh upadi dang an lio ah - 1973 Damthannak Upadi i Thennak 504 tibantuk - IDEA nih mah upadi tangah lawng ngah khawhmi covo a ngei. Hi catialmi nih cu covo pawl kha a tawinak in a tial hna.

1 KUATCHINNAK A HLEIDEUH FIMCAWNNAK ZOHFELNAK CAAH TUAH A SI.



Kuatchinnak cu:

- ▶ Zapi sianginn nih na fa nih hlawhtlinnak hmuh dingin a hleideuh fimcawwnak lei riantuanpiaknak a herhmi pumtlinlonak a ngei tiah an ruah tikah upadi nih a herhmi a si.
- ▶ Nulepa nih tuah tikah a hleideuh fimcawwnak lei zohfelnak caah *halmi* tiah auhmi a si. Halnak cu tuanvo ngei riantuantu sin ah catialnak in tuah a hau. Sianginn nih zohfelnak he hmailei kalpi cuahmah ding a si le silo kha thawngthanhnak he a leh lai.

Sianginn nih sianginn kai ni ni 15 chungah catialnak in leh hrimhrim ding a si lai.

2 A FA ZOHFEL DINGAH SIANGINN KHA HNATLAKNAK NA PEK LE PEKLO HAL NA SI LAI.



Zohfel dingah hnatlaknak cu:

- ▶ A hleiin cawwnak a ngeimi riantuantu hna nih a hleideuh in papek a haumi zawn pawl ah zohfel ding in na thimmi nawlpeknak.
- ▶ Sianginn nih na fa zohfelnak a lim hrimhrim dingmi caan khiahmi thawknak dingin sianginn nih a hmanmi.

Cheukhat pawl telh loin, zohfelnak cu sianginn ni 45 chungah lim hrimhrim ding a si.

3 ZOHFELNAK CU CAWNNAK A NGEIMI THIAMSAANG PHU PAKHAT NIH A TUAH.



Zohfelnak cu:

- ▶ *A Tlingmi Pumpak le Ahamthawk Zohfelnak (FIIE)* tiah auhmi a si i, hi ah hin fimcawwnak lei duhpiakmi pawl ca in tialmi ripawt le na fa a thazaang thawwnak kong thilsining, huammi pawl, le zuamcawwnak pawl aa tel. Lunghrinhmi pumtlinlonak ah cawwnak a ngeimi thiamsang pawl an i tel hrimhrim lai, tch., cafang/biafang relkhawhnak ah harnak a ngeimi a si tiin lunghrin a si ahcun laisen a ngeimi cafang/biafang relkhawhnak ah harnak thloptu tibantuk minung pakhat khat.
- ▶ Nangmah caah aman pek hau lo in tuahmi a si. Sianginn i zohfelnak ah na lungtiin lo ahcun, *Mah tein a dirmi Fimcawwnak lei Zohfeltu (IEE)* ngahnak caah bawmh na hal khawh. Hihi cu sianginn nih rian a pek lomi minung pakhat khat nih a tuah lai.

4 NA FA CU A HLEIDEUH FIMCAWNNAK LEI RIANTUANPIAKNAK PAWL CAAH AA TLAKMI A SI LE SILO BIAKHIAH DINGAH LUHNAK, ZOHFELNAK LE CHUAHNAK (ARD) KOMITI AN I TONG.

ARD komiti cu:

- ▶ Nangmah, cachimtu pawl, sianginn ukto pawl, na fa kong ah a hlei in thiamnak a ngeimi pawl le lunghrinhnak ngeihmi pumtlinlonak kong ah a hleideuh in cawwnak a ngei thiamsang pawl aa telmi phu pakhat.
- ▶ Hi i tonnak ah, na fa i zohfelnak lei ripawt nan i ceih lai, na fa i a thazaang thawwnak le bawmh a herhnak zawn nan langhter lai, cu hnu ah na fa nih pumtlinlonak a ngeih le ngeih lo le a hleideuh fimcawwnak lei riantuanpiaknak a herh le herhlo biakhiahnak nan tuah lai.



Zohfelnak ripawt tuah dih tikah, ARD komiti nih aa tlakmi sinak lei biakhiahnak le IEP tuah dingah ni 30 a ngei tawn.

5

NA FA CU A HLEIDEUH FIMCAWNNAK LEI RIANTUANPIAKNAK PAWL CAAH AA TLAHMI A SI AHCUN, ARD KOMITI NIH PUMPAK IN CAWNMI



IEP cu:

- ▶ Na fa i a pumtlinlonak a langhtermi, na fa i atu lio a thazaang thawwnak le a bawmh a herhnak zawn pawl a tlangtermi, tuah dingmi tinhmi pawl a langhtermi, le na fa caah hlawhtlin dingah a herhmi a hleideuh fimcawwnak le pehtlaihnak a ngeimi riantuanpiaknak pawl a langhtermi thilsining kong khawmhsuatmi a si.
- ▶ Thanchonak caah tuahtonak lim a si tikah sianginn nih a zulh hrimhrim dingmi catialmi a si i na fa riantuanpiaknak a ngahmi ah hnatlaknak na ngei. Riantuanpiaknak cu a tuan khawh chung tuan ah thawk a si lai.

IEP i thanchonak ah i telnak nawl na ngei i na fa nih a hleiin fimcawwnak lei riantuanpiaknak ngah dingah lungtlinnak asilole lungtlinlonak nawl na ngei.



HMAILEI KALNAK: A HLEIDEUH FIMCAWNNAK LEI RIANTUANAK NGAHNAK

IEP tuah a si tikah, IEP a tak in tuah ding kha sianginn i tuanvo a si. Sianginn pawl nih IEP ah langhtermi riantuanpiaknak pawl, umthutnak pawl le bawmhnak pawl an pek hrimhrim lai i, sianginn riantuantu pawl nih IEP i tinhmi pawl lei ah na fa i a thanchonak kha an zohfel lai.



- ▶ A tlawmbik catang kaiter caan fatin na fa i a IEP tinhmi ah thanchonak ripawt na ngah lai.
- ▶ ARD komiti cu a tlawmbik kumkhat voikhat an i tong lai i na fa i a IEP an zohfel lai.
- ▶ ARD committee i chungtel pakhat dirhmun in, a tlawmbik kum thum dan ah tharchuahmi zohfelnak lei a herhnak pawl na ceihmai lai.
- ▶ ARD komiti meting caah zeitik caan paoh ah na hal khawh.
- ▶ A hleideuh fimcawwnak lei riantuanpiaknak pawl caah na hnatlaknak kha na laak than khawh. Phun dang in chim ahcun, na fa i a hleideuh fimcawwnak lei riantuanpiaknak pekmi ngol na duh kha catialmi in sianginn kha na chimh khawh.
- ▶ Sianginn dingrep caah a hlei in phungphai pawl chiah an si. Na fa i a pumtlinlonak kha thatnak ziaza a chuahtertu a si tiah hmuh a si ahcun, ARD komiti nih thil sining cheukhat ah, dantatnak lei a phichuak kha a thlen khawh.

LUNGTLINLONAK A CAN AHCUN:

ARD komiti i ton lio ah, thatho ngai in aa telmi an si lai, hmailei lam tha bik kongah lungtlinnak hmuh ding in rian na tuan bantuakin na fa a herhmi kong kha sianginn riantuantu hna he nan i ruah lai. Asinain caan sin ah, sianginn biakhiahnak pawl kha na lungtling lo kho men. Ramkomh upadi IDEA tangah, punghman covo na ngeih mi sianginn nih a hleideuh fimcawwnak lei biakhiahnak a tuahmi pawl kha lungtlinlo, a hlei in fimcawwnak thawk dingah tuah dingmi pawl ah le a hleideuh fimcawwnak lei riantuanpiaknak ngah lio ah a pahnih in. Buaibainak siamremhnak lei thimkhawhmi pawl kha ramkulh i phunzainak pawl chiahnak, remdaihnik lei halnak le ningcang tein biaceihnak halnak aa tel. Ramkulh tawltreitu pawl cu IEPs cungah hnatlaknak phak ding in ARD komiti bawmhnak ah ngah khawh an si fawn.

IEP CU ZEIDAH A SI?:

IEP nih na fa caah thil zeimawzat a tawlrel hrimhrim lai, hihi telhchih in:



PLAAFP

» *Atu lio Fimthiamnak lei Hlawhtlinnak le Nifatin cawlcanghnak lei Tuahsernak Level pawl (PLAAFP):* ARD komiti nih zohfelnak ripawt le adang data cungah hngat in na fa i a thiammi pawl, a thiltikhawhnak pawl le zuamcawhnak pawl a tial lai.

Tihmi pawl

- » Tahkhawhmi kum fatin **tin hmi pawl:** Tinhmi pawl cu thanchonak tuah dingin na fa kha ruahchan a si tikah langhter dingin na fa i a hleideuh in aherhmi pawl i hmaithlak dingah tuahmi an si.
 - Na fa nih cafang/biafang pawl relkhawhnak ah harnak a ngeih ahcun, tahchunhnak ah, tinhmi kha caan zeimawzat chungah carelnak lei thanchonak asilole nal te relkhawhnak lei thanchoternak kha aa hmaithlak men lai.

Lamhmuhsaknak & Riantuanpiaknak

- » A hlei in suaisammi lamhmuhsaknak **kong tialmi, aa pehtlaimi riantuanpiaknak le bebawmmi bawmhnak pawl le riantuanpiaknak** pawl pek a si lai. Lamhmuhsaknak le riantuanpiaknak cu na fa i a herhmi cungah hngat in aa dang lai. Tahchunhnak ah, na fa cu cafang/biafang relkhawhnak ah harnak a ngei tiah langhter a si ahcun:
 - A hlei in suaisamhmi lamhmuhsaknak ah cafang/biafang relkhawhnak ah harnak a ngeimi siangngakchia pawl bawmh dingin le [Cafang/biafang relkhawhnak ah harnak a ngeimi Kutken ca-ukhe](#) aa tlak in hmuhsakmi program hmangin a thiambakmi cawwnak a ngeimi bawmchantu nih lamhmuhsaknak caah punghmaan in caansuaiisamhmi caan aa tel men lai;
 - Aa pehtlaimi riantuanpiaknak pawl ah na fa nih kuttial zong ah a harh ahcun nifatin cawlcanghnak lei thloptu sin in na fa i kutke cawlcanghnak lei thanchoter dingin bawmhnak aa tel kho men; i
 - Bebawmmi bawmhnak pawl le riantuanpiaknak pawl ah hin catialnak lei tuah dingmi pawl caah biachimmi in catialnak caah na fa i a herhmi pawl catialmi aa tel kho men.

Zohfelnak pawl

» Ramkulh le pengkomh huap in **zohfelnak** ah na fa aa telh ding ningcang kon, caan hlei a herhmi tibantuk umthutnak pawl a herh le herhlo telhchih in.

Thialkaamnak

» **Thialkaamnak lei** riantuanpiaknak pawl: Na fa kha kum 14 a si tikah, IEP nih siangsangruun kai hnu ah na fa caah timhtuahnak pawl le cu timhtuahnak pawl cung ah riantuan dingah na fa i a hleideuh fimcawwnak lei riantuanpiaknak pawl zeitindah tawlrel a si lai timi catial hram a thawk hrimhrim lai.

Hmunhma peknak

» IEP nih na fa i fimcawwnak lei **hmunhma peknak** kha aa chinchiah. Hmunhma peknak lei biakhiahnak pawl cu a tlawmbik khenkhammi pawngkam (LRE) ah fimcawwnak pek dingin a herhnak nih a hruai. LRE i aa tinhmi cu na fa kha pum tlamtlinlonak pawl a ngei lomi ngakchia hna he aa tlak ning in cacawnkhaan pawl le hmunhma pawl ah na fa i a herhmi pawl cungah hngat in telter kha a si.

Hi form cy covo a tawinak in tialmi a si, kuatchinak tuah hnu ah a herhmi kha nulepa hna sin ah pek a si. Na minthutnak form na ngah cang nak lawng cohlannak ca lawngah a si. Na covo pawl kong thawngthanhmi tamdeuh hmuh awk ah, [Phunglam Kilvennak kong Theihternak](#) le [ARD Tuahtonak caah Nulepa hna Lamhruainak](#) kha zohthan.

Siangngakchia Min:

Siangngakchia ID Nambar:

Nulepa Min

Nulepa Minthut

Nithla